

## Jonin Akinafarir Namba 2

### O 2 Jon

### Akar faragha zuim

Siosin gumazir dapanir mam akinafarir kam osiri. Gumazamizir aviriba ghaze, a siosin mamın itir gumazamiziba bagha an osiri. A kamagh-sua, me bar igharaz darazigh ifueghiva, egh me ifavarir gumaziba bagh gan, kar gumazir Godin akam gasighasiziba.

### E Godin guizin akam mighvira an suiragh, egh gumazamizir ifariba bagh ganam

<sup>1</sup> Ki Kraisin adarazir gumazir dapanim. Ni amizir God inabazim, ki ni ko nin boriba bagha akinafarir kam osiri. Ki guizbangira bar ia gifonge. Ki uabira puvati, gumazamizir guizin akam gifoziba uaghan bar ia gifonge.\* <sup>2</sup> Guizin akam en iti, egh a iki mamaghira ikiam. Bizir kam bagha e bar ia gifonge. <sup>3</sup> Guizin akamin arazim ko arazir igharazi darazigh ifongezim, arazir kamning God ko Iesus ko iti. Kamaghin Afeziam God koma Kraisi Iesus, Godin Otaram, aning apanguvir arazim ko

---

**1:1:** Jon 8:32; 1 Pita 5:1; 1 Jon 3:18; 3 Jon 1:1      \* **1:1:** Jon akar isin zuim gami. Amizir God inabazim, a siosin mam. Borir kaba, me siosin kamın aven itir gumazamiziba.

kuarkuvir arazim gamua, egha navir amirizimîn arazim e ganîdi.

*E igharaz darazigh ifongezir arazimîn gîn mangam*

<sup>4</sup>Afeziamîn Akar Gavgavim e mikemezi moghîn, nîn borir maba guizin akamin gîn zui. Ezi ki kamaghîn oregha bar akonge. <sup>5</sup>Ezi Amizir Aghuim, ki kamaghîn nîn azangsisî, ia bar uarigh ifongegh. Kar Akar Gavgavir igiam puvati. Akar Gavgavir kam fomîra e ko ikia iza datîrikîn. <sup>6</sup>Arazir uarigh ifongezimra kara: e Godîn Akar Gavgavim baragh an gîn mangam. Ia fomîra oraghizi moghîra an Akar Gavgavim ghaze, ia uarigh ifongezir arazimîn gîn mangivîra iki.

*Ia Kraisîn akamin suiragh gavgafigh*

<sup>7</sup>Ia oragh. E gifarir gumamazizir avîriba nguazir kam garui. Me nîghnîzir gavgavim itir puvatîgha kamaghîn mîgeir puvati, Krais Iesus a gumazir inivafizimîn mîn oto. Gumazir kamaghîn mîgeim, a gumazir ifarim, egha Kraisîn Apanim.† <sup>8</sup>Kamaghîn ia uari bagh gan, ia bizir iniasava amiba ia da ataghîraghan marki. Kamaghîn derazir puvati. Ia uan ivezim bar moghîra a inightî, deragham. <sup>9</sup>Egh gumazitam o amizitam Kraisîn suren mîgîrîgîamîn suiragh gavgavighan kogh, egh akar igharazitam uam akar kam gîviraghti, God a ko ikian kogham. Ezi gumamazizir Kraisîn

---

**1:4:** 3 Jon 1:3    **1:5:** Jon 13:34; 15:12; 15:17; 1 Pita 4:8; 1 Jon 2:7-8; 3:11; 3:23    **1:6:** Jon 14:15; 14:21; 1 Jon 2:5; 2:24; 5:3    **1:7:** 1 Jon 2:22; 4:1-3    † **1:7:** Nî akar 1 Jon 4:2in itimîn gan.    **1:8:** Mak 10:29-30; Galesia 3:4; Hibru 10:35-36; 11:26    **1:9:** 1 Jon 2:23

suren migirigiamin suiragha gavgavigha mamaghira itiba, Afeziam uan Otarim ko aning me ko iti. <sup>10</sup> Gumazitam o amizitam ia bagh iziva Kraisin suren migirigiar kam inigh izan koghti, ia a inigh uan dipenimin aven mangan marki. Egh ia kamaghin a mikiman marki, God deravira ni damu. Puvati. <sup>11</sup> Ia fo, gumazitam o amizitam dughiam gumazamizir kamaghin amibagh anidi, ia fogh suam, a uabi an ingangarir kuramin akurvasi.

*Gumazir dapanim men ganasa*

<sup>12</sup> Ki bizir aviribar ia mikimasa. Ki ghaze, e uarir gan uariv kim bar akongeghasa ki ifonge, kamaghin ki ia bagh izam. Egha kamaghin, ki ia bagh akinafarimin da osiran aghua.

<sup>13</sup> Nin avenemebar God inabazim, an boriba ia bagha akam amaga ghaze, Afeziam ia ko iki.‡

---

**1:10:** Efesus 5:11; 2 Tesalonika 3:6    **1:12:** Jon 17:13; 1 Jon 1:4; 3 Jon 1:13-14    ‡ **1:13:** Ni akar 2 Jon 1in itimin gan.

**Godin Eghaghanim: Akar Gavgavir Dikirizir  
Ghurim ko Igiam  
The Holy Bible in the Aruamu language of Madang  
Province, Papua New Guinea, 2020 Edition  
Buk Baibel long tokples Aruamu long Madang Provins  
long Niugini long 2020**

copyright © 2020 Pioneer Bible Translators

Language: Aruamu

Translation by: Pioneer Bible Translators

Contributor: The Seed Company

GOD'S STORY in the Aruamu Language of Papua New Guinea

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

---

PDF generated using Haiola and XeLaTeX on 21 Feb 2024 from source files dated 29 Jan 2022

8f6beb37-6783-55d5-91ed-8321cc3f5eea